

SCRIPTA

Numéro Scripta : 4966

Auteur(s) : Guillaume, Soligny-la-Trappe, Notre-Dame de La Trappe (abbé)

Bénéficiaire(s) : Pont-de-l'Arche, Notre-Dame de Bonport (abbaye)

Genre d'acte : charte

Authenticité : non suspect

Datation : 1277, mars

Action juridique : vente

Langue du texte : latin

Analyse

Guillaume, abbé de La Trappe, vend aux religieux de Bonport 60 sous tournois sur la prévôté de Conches.

Tableau de la tradition

Éditions principales

a. Du Monstier Arthur, *Neustria Pia seu de omnibus et singulis abbatibus et prioratibus totius Normanniae*, Rouen, J. Berthelin, 1663, p. 899.

b. Andrieux Jules, *Cartulaire de l'abbaye royale de Notre-Dame de Bon-Port de l'ordre de Cîteaux au diocèse d'Évreux*, Évreux, Hérissey, 1862, n° CCCII, p. 310-311.

Texte établi d'après b

Noverint universi, presentes et futuri, quod nos, frater Guillelmus dictus abbas domus Dei de Trappa et ejusdem loci conventus, de communi assensu, vendidimus et concessimus et omnino dimissimus viris religiosi abbati et conventui Boni Portus, ordinis nostri, sexaginta solidos turonensium ad luminaria candelarum in celebratione missarum predictae ecclesie, quos ex dono et elemosina bone memorie Roberti de Corteniaco habebamus et percipiebamus in prepositura Concharum, singulis annis, in crastino Purificationis Beate Marie, prout in littera predicti Roberti, quam eisdem tradidimus, plenius continetur, pro quadraginta libris turonensium de quibus nobis plenarie satisfecerunt : tenendos et habendos et in perpetuum possidendos dictos sexaginta solidos annui redditus, dictis religiosi et eorum successoribus, bene, pacifice et quiete, absque ulla contradictione nostri vel successorum nostrorum. Nos autem et successores nostri predictum redditum dictis religiosi et eorum successoribus tenemur deffendere et garantizare contra omnes, ad usus et consuetudines Normannie, vel alibi in nostra propria hereditate, si necesse fuerit, excambiare. Et ut hoc firmitatis robor obtineat in futurum, presentem cartam sigilli nostri munimine duximus roborandam.

Nos vero frater Radulphus, dictus abbas de Brolio, pater abbas dicte domus, predictam venditionem approbamus et ratam habemus, et, ad petitionem predicti abbatis, filii nostri, et conventus, appositione sigilli nostri confirmamus. Actum anno Domini M° CC° LXX° septimo, mense martio.